

საქართველოს შინაგან საქმეთა სამინისტროს პროგრამების

2018 წლის 6 თვის ანგარიში

საქართველოს შინაგან საქმეთა სამინისტრო - 30 00

(საბიუჯეტო ორგანიზაციის დასახელება, პროგრამული კოდი)

- სახელმწიფო ბიუჯეტის პრიორიტეტი, რომლის ფარგლებშიც ხორციელდება პროგრამა: თავდაცვა, საზოგადოებრივი წესრიგი და უსაფრთხოება

**1.1 პროგრამის დასახელება და პროგრამული კოდი:** საზოგადოებრივი წესრიგი, სახელმწიფო საზღვრის დაცვა და საერთაშორისო თანამშრომლობის განვითარება/გაღრმავება - (30 01)

**პროგრამის განმახორციელებელი:** საქართველოს შინაგან საქმეთა სამინისტროს ორგანოები და სახელმწიფო საქვეუწყებო დაწესებულება - საქართველოს შინაგან საქმეთა სამინისტროს სასაზღვრო პოლიცია

ათას ლარებში

პროგრამული კოდი	დასახელება	წლიური სახელმწიფო ბიუჯეტით დამტკიცებული მოცულობა	წლიური სახელმწიფო ბიუჯეტის დაზუსტებული მოცულობა	საანგარიშო პერიოდის საკასო შესრულება	საკასო შესრულების % წლიური დაზუსტებულ გეგმასთან მიმართებაში	საკუთარი სახსრებიდან მიმართული თანხები (ასეთის არსებობის შემთხვევაში)
30 01	საზოგადოებრივი წესრიგი, სახელმწიფო საზღვრის დაცვა და საერთაშორისო თანამშრომლობის განვითარება/გაღრმავება	549 610	549 404	255 665.3	46.5 %	

საანგარიშო პერიოდში პროგრამის ფარგლებში განხორციელებული ღონისძიებების მოკლე აღწერა:

- საანგარიშო პერიოდში დასრულდა ანალიზზე დაფუძნებული საპოლიციო საქმიანობის პირველი ფაზის საპილოტე რეჟიმში მუშაობა;
- საანგარიშო პერიოდში დაიწყო და მიმდინარეობს საპილოტე პროექტის მეორე ფაზის დაგეგმვა;
- დასრულდა ანალიზზე დაფუძნებული საპოლიციო საქმიანობის საპილოტე პროგრამის შეფასების დოკუმენტზე მუშაობა;

- ანალიზზე დაფუძნებული საპოლიციო საქმიანობის პროგრამაში ჩართული პირების შესაძლებლობების განვითარების მიზნით, 2018 წლის 1 მარტიდან ექვსმა ანალიტიკოსმა გაიარა სტაჟირება შსს საინფორმაციო-ანალიტიკურ დეპარტამენტში;

- დასრულდა ანალიზზე დაფუძნებული საპოლიციო საქმიანობის დანერგვის მიზნით შემუშავებული პროექტის (e-Police) ტექნიკური დავალების შემუშავების პროცესი; გრძელდება მუშაობა ინციდენტების აღრიცხვის ერთიანი ინფორმაციული სისტემის (e-Police) განვითარებაზე.

მიმდინარე წლის 26 მაისს ჩატარდა საქართველოს დამოუკიდებლობის დღისადმი მიძღვნილი ღონისძიება, რომელშიც სხვა სახელმწიფო უწყებებთან ერთად მონაწილეობას იღებდა საქართველოს შინაგან საქმეთა სამინისტრო. ღონისძიების ფარგლებში განხორციელდა საზოგადოების ინფორმირება სამინისტროს მიმდინარე და დაგეგმილი რეფორმების შესახებ. ამასთანავე, ღონისძიების სტუმრები გაეცნენ საქართველოს ბოლო 100 წლის ისტორიას;

მიმდინარე წლის 31 მაისს ჩატარდა პოლიციელის პროფესიული დღისადმი მიძღვნილი ღონისძიება, ღონისძიებაზე სამინისტროს სტრუქტურულ დანაყოფებს ჰქონდათ საშუალება მოსახლეობისთვის გაეცნოთ სამომავლო გეგმები თავიანთი სფეროს მიმართულებით;

საანგარიშო პერიოდში განხორციელდა მართლწესრიგის ოფიცრის კამპანია, რომელიც ემსახურებოდა რეკრუიტინგის მიმართულებით საინფორმაციო კამპანიის წარმოებას, რაც მოიცავდა სხვადასხვა საკომუნიკაციო არხებს და მესიჯებს, მათ შორის ვიდეორგოლებს, ღია კარის დღეს, საინფორმაციო საშუალებებს და ა.შ.;

აქტიურად ხორციელდება საინფორმაციო კამპანია და საზოგადოების ინფორმირება კრიმინალთან ბრძოლის მიმართულებით, რაც გულისხმობს ინფორმაციის გავრცელებას სხვადასხვა საკომუნიკაციო არხების საშუალებით (საინფორმაციო სააგენტოები, ტელევიზია, რადიო, სოციალური ქსელი და ა.შ.);

საზოგადოებრივი წესრიგის უზრუნველყოფის, დანაშაულის პრევენციისა და მასზე რეაგირების მიზნით, გაფორმდა სახელმწიფო შესყიდვის ხელშეკრულება სახელმწიფო ნომრის ამომცნობი ანალიტიკური პროგრამული უზრუნველყოფისთვის განკუთვნილი 92 სერვერის შესყიდვის მიზნით;

საზოგადოებრივი უსაფრთხოების ხარისხის გაუმჯობესების მიზნით, საანგარიშო პერიოდში საქართველოს შინაგან საქმეთა სამინისტროსა და პროექტში მონაწილე მუნიციპალიტეტების მიერ 1 837 ზოგადი ხედვის ვიდეოკამერის (ასევე, კვების ბლოკი) შესყიდვის მიზნით გაფორმდა შესყიდვის ხელშეკრულებები;

ზოგადი ხედვის ვიდეოკამერებისთვის გათვალისწინებული 1 100 ლიცენზიის სერვერული ინფრასტრუქტურის შექმნის მიზნით საანგარიშო პერიოდში გაფორმდა სახელმწიფო შესყიდვის შესახებ ხელშეკრულება;

სააქციო საზოგადოება სილქნეტთან გაფორმდა 5 წლიანი ხელშეკრულება, რომლის ფარგლებშიც საქართველოს მასშტაბით 2 094 საკომუნიკაციო წერტილზე განხორციელდება ოპტიკურ-ბოჭკოვანი ქსელის/რადიო-სარელეო ხაზის მოწყობა და სამუშაოების შესრულება;

დანაშაულის წინააღმდეგ ბრძოლის სფეროში საერთაშორისო თანამშრომლობის გაღრმავების მიზნით, საანგარიშო პერიოდში განხორციელდა შემდეგი აქტივობები:

- საქართველოს შინაგან საქმეთა სამინისტროს წარმომადგენლები ოფიციალური ვიზიტით იმყოფებოდნენ თურქეთის რესპუბლიკაში, რომლის ფარგლებში ქ. ანკარასა და სტამბულში გაიმართა ერთობლივი კომისიის შეხვედრები. შეხვედრებზე განხილული იქნა ორგანიზებული დანაშაულის წინააღმდეგ ერთობლივი ბრძოლისა და ორმხრივი საპოლიციო თანამშრომლობის საკითხები;

- 2018 წლის თებერვალში საქართველოს შინაგან საქმეთა მინისტრის მოადგილე გერმანიაში ოფიციალური ვიზიტის ფარგლებში, ჩრდილოეთ რაინ-ვესტფალიის ფედერალური მიწის შინაგან

საქმეთა მინისტრს, ჰერბერტ როილს შეხვდა. საქართველოს შინაგან საქმეთა მინისტრის მოადგილე გერმანიის რესპუბლიკაში ოფიციალური ვიზიტის ფარგლებში, ასევე, შეხვდა გერმანიის ფედერაციული რესპუბლიკის ჩრდილოეთ რაინ-ვესტფალიის ფედერალური მიწის კრიმინალური პოლიციის სამსახურის უფროსს ფრანკ ჰოევერსა და ჩრდილოეთ ვესტფალიის ფედერალური მიწის ბავშვთა, ოჯახის, ლტოლვილთა და ინტეგრაციის საქმეთა მინისტრის მოადგილეს ანდრეას ბოთეს. შეხვედრაზე განხილული იქნა მიმდინარე და დაგეგმილი პროექტები და თანამშრომლობის სამომავლო გეგმები;

- ავსტრიის რესპუბლიკაში საქართველოს შინაგან საქმეთა სამინისტროს თანამშრომლების ვიზიტის ფარგლებში შეხვედრები გამართა: ავსტრიის რესპუბლიკის შინაგან საქმეთა ფედერალური სამინისტროს გენერალურ მდივანთან პეტერ გოლდგრუბერთან, ავსტრიის რესპუბლიკის კრიმინალური პოლიციის ფედერალური სამსახურის დირექტორთან ფრანც ლანგთან და ფედერალური სამინისტროს სხვა მაღალი რანგის თანამდებობის პირებთან;

- საანგარიშო პერიოდში საქართველოს შინაგან საქმეთა მინისტრი, სამინისტროს მაღალი რანგის დელეგაციასთან ერთად, ოფიციალური ვიზიტით იმყოფებოდა ნიდერლანდებში, ქ. ჰააგაში განთავსებულ ევროპოლის შტაბ-ბინაში. ვიზიტის ფარგლებში, საქართველოს შინაგან საქმეთა მინისტრი შეხვდა ევროპოლის აღმასრულებელ დირექტორს რობ უეინრაითს. საქართველოს შინაგან საქმეთა მინისტრმა და ევროპოლის აღმასრულებელმა დირექტორმა ხელი მოაწერეს „საქართველოსა და ევროპის კავშირის სამართალდაცვით სფეროში თანამშრომლობის სააგენტოს შორის უსაფრთხო კომუნიკაციის არხის თაობაზე“ ურთიერთგაგების მემორანდუმს და „საქართველოსა და ევროპის კავშირის სამართალდაცვით სფეროში თანამშრომლობის სააგენტოს შორის მეკავშირეობის შესახებ“ შეთანხმებას;

- საქართველოს შინაგან საქმეთა სამინისტროს წარმომადგენლები ოფიციალური ვიზიტით იმყოფებოდნენ სერბეთში. ვიზიტის ფარგლებში მოხდა ინფორმაციის გაცვლა „საქართველოს მთავრობასა და სერბეთის რესპუბლიკის მთავრობას შორის დანაშაულის წინააღმდეგ ბრძოლაში თანამშრომლობის შესახებ“ შეთანხმების პროექტსა და „საქართველოს მთავრობასა და სერბეთის რესპუბლიკის მთავრობას შორის უნებართვოდ მცხოვრებ პირთა რეადმისიის შესახებ“ შეთანხმების პროექტის შესახებ მათი ხელმოსაწერად მომზადების მიზნით. აგრეთვე, მოხდა ევროკავშირთან უვიზო მიმოსვლის მართვის საკითხში სერბეთის გამოცდილების გაზიარება;

- თურქეთის რესპუბლიკის და საქართველოს შინაგან საქმეთა მინისტრებმა ხელი მოაწერეს „საქართველოს შინაგან საქმეთა სამინისტროსა და თურქეთის რესპუბლიკის შინაგან საქმეთა სამინისტროს შორის სასაზღვრო უსაფრთხოების გაძლიერების შესახებ“ ურთიერთგაგების მემორანდუმს;

- საანგარიშო პერიოდში ხელი მოეწერა ერთობლივ განცხადებას შვედეთთან დანაშაულის, განსაკუთრებით კი საკუთრების წინააღმდეგ მიმართული ორგანიზებული დანაშაულის წინააღმდეგ ბრძოლაში ზომების შემდგომი გაძლიერების შესახებ;

- საანგარიშო პერიოდში განხორციელდა საქართველოს ვიცე-პრემიერისა და შინაგან საქმეთა მინისტრის ვიზიტი ლიტვის რესპუბლიკაში. ვიზიტის ფარგლებში შეხვედრები გაიმართა ლიტვის შინაგან საქმეთა მინისტრთან, საგარეო საქმეთა მინისტრთან და ლიტვის ეროვნული პოლიციის უფროსთან;

- განხორციელდა რაინლანდ-ჰვალცის შინაგან საქმეთა მინისტრის ვიზიტი საქართველოში. შეხვედრები გაიმართა საქართველოს შს მინისტრთან, შს მინისტრის პირველ მოადგილესთან, შსს ცენტრალური კრიმინალური პოლიციის დეპარტამენტის დირექტორთან, შსს აკადემიის რექტორთან;

- განხორციელდა საქართველოს ვიცე-პრემიერისა და შინაგან საქმეთა მინისტრის ვიზიტი გერმანიის ფედერაციულ რესპუბლიკაში. ვიზიტის ფარგლებში გაიმართა შეხვედრა გერმანიის შინაგან საქმეთა, მშენებლობისა და სამშობლოს საკითხთა ფედერალურ მინისტრთან ბ-ნ ჰორსტ ზეკჰოფერთან;

- განხორციელდა სამინისტროს მოსამსახურეების ვიზიტი ქ. კიევში სუამ-ის კიბერუსაფრთხოების სამუშაო ჯგუფში მონაწილეობის მიზნით. სამუშაო ჯგუფმა განიხილა და შეათანხმა სუამ-ის წევრ სახელმწიფოებს შორის კიბერუსაფრთხოების სფეროში თანამშრომლობის შესახებ ურთიერთგაგების მემორანდუმის ტექსტი;

- განხორციელდა სამინისტროს მოსამსახურეების ვიზიტი ისრაელის სახელმწიფოში საერთაშორისო შიდა უსაფრთხოების ფორუმში მონაწილეობის მიზნით. ვიზიტის ფარგლებში ასევე, გაიმართა შეხვედრები ისრაელის შინაგან საქმეთა სამინისტროს წარმომადგენლებთან;

- განხორციელდა ბრაზილიის იუსტიციისა და საზოგადოებრივი უსაფრთხოების მინისტრის ვიზიტი საქართველოში. ვიზიტის ფარგლებში გაიმართა შეხვედრა საქართველოს ვიცე პრემიერთან, შინაგან საქმეთა მინისტრთან;

- განხორციელდა ავსტრალიის პოლიციის ატაშეების ვიზიტი საქართველოში. ვიზიტის ფარგლებში შეხვედრები გაიმართა შსს საერთაშორისო ურთიერთობების დეპარტამენტის, შსს ცენტრალური კრიმინალური პოლიციის დეპარტამენტისა და შსს ერთობლივი ოპერაციების ცენტრის ხელმძღვანელებთან.

მიმდინარე წლის ექვს თვეში შინაგან საქმეთა სამინისტროს საინფორმაციო -საგანმანათლებლო პროექტის „მართლწესრიგის უზრუნველყოფისა და დანაშაულის პრევენციის პროგრამა საჯარო სკოლებისთვის“ ფარგლებში 89 საჯარო სკოლის 11-ე და 9-ე კლასის მოსწავლეებს ჩაუტარდათ საინფორმაციო-საგანმანათლებლო სემინარები კიბერუსაფრთხოების, მართლწესრიგის, ოჯახში ძალადობის და “ბულინგის” თემატიკაზე. მოსწავლეები ასევე, ესტუმრნენ შინაგან საქმეთა სამინისტროს: სსიპ-112-ს, საექსპერტო-კრიმინალისტიკურ დეპარტამენტს, შსს აკადემიას, სასაზღვრო პოლიციასა და სსიპ - მომსახურების სააგენტოს;

სამინისტროსა და მისი დანაყოფების საქმიანობის შესახებ მომზადდა საინფორმაციო ტიპის ვიდეო და გრაფიკული რგოლები.

ქვეყნის მასშტაბით ყველა იზოლატორისთვის შეძენილი იქნა ადმინისტრაციული პატიმრებისთვის განკუთვნილი სამაგიდე თამაშები (დომინო და ჭადრაკი). აღნიშნული აქტივობის განხორციელებით გათვალისწინებული იქნა ევროპის წამების პრევენციის კომიტეტის რეკომენდაცია, რომელიც ჯერ კიდევ 7 წლის წინ იქნა გაცემული;

კანონსაწინააღმდეგო ქმედებათა აღკვეთის მიზნით, საანგარიშო პერიოდში:

- სახელმწიფო საზღვრის უკანონო გადაკვეთისთვის დაკავებული იქნა - 37 პირი;
- სახელმწიფო საზღვრის უკანონო გადაკვეთის მცდელობაზე დაკავებული იქნა - 61 პირი;
- სასაზღვრო რეჟიმის დარღვევისთვის დაკავებული იქნა - 517 პირი;
- სანაპირო დაცვის დეპარტამენტის მიერ, საქართველოს საზღვაო სივრცეში დაფიქსირდა 51

ადმინისტრაციული სამართალდარღვევა და სისხლის სამართლის დანაშაულის 2 ფაქტი, სახელმწიფო ბიუჯეტის სასარგებლოდ ამოღებული თანხის ოდენობამ შეადგინა დაახლოებით 680 000 ლარი;

- საქართველოს საზღვაო სივრცის აფხაზეთის ოკუპირებულ მონაკვეთზე გამოვლენილი იქნა „ოკუპირებულ ტერიტორიაზე შესვლის წესების“ დარღვევის 57 ფაქტი;

- ჩატარდა სამაშველო ოპერაციები ზღვაზე ადამიანის ძებნის და მისი სიცოცხლის გადარჩენის მიზნით;

სასაზღვრო პოლიციის მოსამსახურეებმა საანგარიშო პერიოდში გაიარეს სასწავლო კურსები, როგორც ქვეყნის შიგნით ასევე, ქვეყნის გარეთ;

საანგარიშო პერიოდში დაიწყო, მიმდინარეობს და რიგ შემთხვევებში დასრულდა შინაგან საქმეთა სამინისტროს რიგი ადმინისტრაციული შენობების მიმდინარე და კაპიტალური სარემონტო სამუშაოები, მათ შორის:

- დასრულდა ქ. თბილისში, გულუას ქუჩა N6-სა და N8-ს შორის მდებარე შსს ბალანსზე რიცხულ მიწის ნაკვეთზე მშენებარე ადმინისტრაციული შენობის სამშენებლო სამუშაოების მეორე ფაზა (დაიწყო 2017 წელს) - რკინა-ბეტონის კარკასის დასრულების სამშენებლო სამუშაოები;
- დასრულდა ქ. თბილისში, ნოე რამიშვილის ქ. N38-ში განთავსებულ ადმინისტრაციულ შენობაში საპატრულო პოლიციის მოქალაქეთა მომსახურების ცენტრის მოწყობის სამუშაოები;
- დასრულდა ქ. ზუგდიდში, გორის ქ. N 3-ში მდებარე, შსს განსაკუთრებულ დავალებათა დეპარტამენტის სამეგრელო-ზემო სვანეთის სამხარეო განსაკუთრებულ დავალებათა სამმართველოს ადმინისტრაციული შენობაში სარემონტო სამუშაოები (დაიწყო 2017 წელს);
- დასრულდა ქ. თბილისში, ი. ცურტაველის ქუჩა N29-ში შსს ადმინისტრაციულ შენობასთან არსებული საკონტროლო-გამშვები პუნქტის მოწყობის, ყაზარმის სარემონტო სამუშაოები და ქ. თბილისში, კ. ჩალაძის ქ. N1-ში მდებარე ქ. თბილისის პოლიციის დეპარტამენტის ადმინისტრაციული შენობის მიმდებარე ტერიტორიის კეთილმოწყობის და ტერიტორიაზე გადახურული ფარდულის მოწყობის სამუშაოები (დაიწყო 2017 წელს);
- დასრულდა ქ. თბილისში, პოლიციის ქ. N10-ში მდებარე შენობა-ნაგებობის სარეკონსტრუქციო-სარემონტო და ახალი ავტოფარეხის სამშენებლო სამუშაოები (დაიწყო 2017 წელს);
- დასრულდა ქ. თბილისში, ნოე რამიშვილის ქ. N38-ში მდებარე შინაგან საქმეთა სამინისტროს სპორტული მოედნის და ქ. თბილისში, ქიზიყის ქ. N5-ში მდებარე შინაგან საქმეთა სამინისტროს ლოჯისტიკის დეპარტამენტის შეიარაღების სამმართველოს სახელოსნო-საწყობის სარემონტო სამუშაოები (დაიწყო 2017 წელს);
- დასრულდა ქ.თბილისი, გულუას ქ. N10-ში მდებარე, შსს ადმინისტრაციული შენობის მე-2 სართულზე, ოფიციალური ბრიფინგების ჩასატარებლად დარბაზის მოწყობის სამუშაოები;
- დასრულდა ქ. ზუგდიდში, სოხუმის ქუჩა N1-ში მდებარე, პოლიციის სამმართველოს შენობის სარემონტო სამუშაოების, ქ. ზუგდიდში, სოფელ ანაკლიაში მდებარე, პოლიციის განყოფილების სარემონტო სამუშაოების, ქ. ზუგდიდში, ბერანძის ქუჩა N9-ში მდებარე, გდდ-ს ტერიტორიაზე ავტოფარეხის სამშენებლო სამუშაოების და ქ. ზუგდიდში, თამარ მეფის ქუჩა N146-ში მდებარე, პოლიციის განყოფილების სარემონტო სამუშაოები;
- დასრულდა დუშეთის რაიონში სოფ. ოძისში მდებარე შსს მცხეთა-მთიანეთის პოლიციის დეპარტამენტის ახალგორის რაიონული სამმართველოს საოკუპაციო საზღვრის გამტარ პუნქტზე სველი წერტილის მოწყობის და სასადილოს სარემონტო სამუშაოების, ქ. გორში, მშვიდობის ქ. N2-ში მდებარე შსს შიდა ქართლის პოლიციის დეპარტამენტის გორის რაიონული სამმართველოს ადმინისტრაციულ შენობაში სარემონტო სამუშაოების და ქ. გორში, სუხიშვილის ქ. N2-ში მდებარე შსს შიდა ქართლის პოლიციის დეპარტამენტის ადმინისტრაციულ შენობაში სარემონტო და შენობის ცენტრალური შესასვლელი კიბის მოპირკეთების სამუშაოები;
- მიმდინარეობს ქ. თბილისში, გოგოლის ქუჩა N11-ში მდებარე მიწის ნაკვეთზე ახალი ადმინისტრაციული შენობის სამშენებლო სამუშაოები;

- მიმდინარეობს სოფელ ავრანლოში მდებარე, წალკის რაიონული სამმართველოს ავრანლოს განყოფილების შენობასა და შსს ქვემო ქართლის პოლიციის დეპარტამენტის გარდაბნის რაიონული სამმართველოს გაჩიანის პოლიციის განყოფილების შენობაში სარემონტო და შსს ქვემო ქართლის პოლიციის დეპარტამენტის გარდაბნის რაიონული სამმართველოს ვაზიანის პოლიციის განყოფილების ტერიტორიაზე საშხაპის, სველი წერტილის და საკანალიზაციო ჭის მოწყობის სამუშაოები;

- მიმდინარეობს შსს შიდა ქართლის პოლიციის დეპარტამენტის კასპის რაიონული სამმართველოს და გორის რაიონის სოფელ დიცში მდებარე, ქურთის რაიონული სამმართველოს ადმინისტრაციული შენობების სარემონტო სამუშაოები;

2013 წელს საქართველოს შინაგან საქმეთა მინისტრის გადაწყვეტილებით, დაიწყო და დღემდე მიმდინარეობს სამინისტროს თანამშრომლებზე ერთჯერადი დახმარებების გაცემა ოჯახის წევრის გარდაცვალების (მეუღლე, შვილი, დედა, მამა), დაქორწინებისა და შვილის შეძენის შემთხვევაში; ასევე, სამინისტროს იმ თანამშრომლებზე, ვისაც ჰყავს ოთხი და მეტი შვილი ხორციელდება მინისტრის მიერ დაწესებული შესაბამისი დანამატების გაცემა;

**1.2 პროგრამის დასახელება და პროგრამული კოდი:** ეროვნული საგანძურის, დიპლომატიური წარმომადგენლობებისა და საპატრიარქოს დაცვის უსაფრთხოების ღონის ამალეობა - (30 02)

**პროგრამის განმახორციელებელი:** სსიპ - დაცვის პოლიციის დეპარტამენტი

ათას ლარებში

პროგრამის კოდი	დასახელება	წლიური დამტკიცებული მოცულობა	წლიური დაზუსტებული მოცულობა	საანგარიშო პერიოდის საკასო შესრულება	საკასო შესრულების % წლიური დაზუსტებულ გეგმასთან მიმართებაში	საკუთარი სახსრებიდან მიმართული თანხები (ასეთის არსებობის შემთხვევაში)
30 02	შსს სსიპ-დაცვის პოლიციის დეპარტამენტი	10 160	10 160	4 465.4	43.9%	53 480.2

საანგარიშო პერიოდში პროგრამის ფარგლებში განხორციელებული ღონისძიებების მოკლე აღწერა:

საანგარიშო პერიოდში მიმდინარეობდა დიპლომატიური მისიებისა და მათი ხელმძღვანელების რეზიდენციების და ეროვნული საგანძურის ობიექტების დაცვითი მომსახურებით უზრუნველყოფა;

საანგარიშო პერიოდში ობიექტებზე შექმნილი სიტუაციებიდან გამომდინარე, საჭიროების შემთხვევებში, ხდებოდა ოპერატიული რეაგირების ჯგუფების გასვლა, ასევე, მიმდინარეობდა განსაკუთრებული მნიშვნელობის, არაგაბარიტული, სახიფათო მოძრავი ტვირთების დაცვა-გაცილება და ფულადი სახსრების, სხვა ფასეულობათა გადაზიდვა (ინკასაცია);

შემენილი იქნა ფულადი სახსრებისა და სხვა ფასეულობათა გადაზიდვა-ინკასირებისათვის 3 ერთეული დაჯავშნილი ავტომანქანა;

საანგარიშო პერიოდში გარემონტდა 57 ერთეული დიპლომატიური მისიების და მათი ხელმძღვანელების რეზიდენციების, ეროვნული საგანძურისა და სხვადასხვა დასაცავი ობიექტების დასაცავად საჭირო დაცვის საგუშაგო ჯიხური;

საანგარიშო პერიოდში დაიწყო და მიმდინარეობს დეპარტამენტის ბალანსზე რიცხული ინკასაციის სამმართველოს შენობის კაპიტალური რემონტი.

**1.3 პროგრამის დასახელება და პროგრამული კოდი:** სსიპ - საქართველოს შინაგან საქმეთა სამინისტროს მომსახურების სააგენტოს მომსახურების ეფექტიანობის უზრუნველყოფა და ყველა დაინტერესებული პირისთვის ხელმისაწვდომობა - (30 05)

**პროგრამის განმახორციელებელი:** სსიპ - საქართველოს შინაგან საქმეთა სამინისტროს მომსახურების სააგენტო

ათას ლარებში

პროგრამის კოდი	დასახელება	წლიური დამტკიცებული მოცულობა	წლიური დაზუსტებული მოცულობა	საანგარიშო პერიოდის საკასო შესრულება	საკასო შესრულების % წლიური დაზუსტებულ გეგმასთან მიმართებაში	საკუთარი სახსრებიდან მიმართული თანხები (ასეთის არსებობის შემთხვევაში)
30 05	სსიპ - საქართველოს შინაგან საქმეთა სამინისტროს მომსახურების სააგენტოს მომსახურების ეფექტიანობის უზრუნველყოფა და ყველა დაინტერესებული პირისთვის ხელმისაწვდომობა					27 440.3

საანგარიშო პერიოდში პროგრამის ფარგლებში განხორციელებული ღონისძიებების მოკლე აღწერა:

მომზადდა სატრანსპორტო საშუალებათა მართვის უფლების მისაღები პრაქტიკული გამოცდის ავტოდრომის ან დახურული მოედნის გარეთ, ქალაქის მასშტაბით ჩატარებისთვის საჭირო მარეგულირებელ ნორმატიულ აქტში შესატანი შესაბამისი ცვლილებების პროექტი, რომელშიც გათვალისწინებულია ევროკავშირის პარლამენტისა და საბჭოს 2006 წლის 20 დეკემბრის მართვის მოწმობების შესახებ დირექტივის მოთხოვნები, რომელიც გულისხმობს სატრანსპორტო საშუალების მართვის მოწმობის მისაღები პრაქტიკული გამოცდების ჩაბარების წესის ცვლილებას;

საანგარიშო პერიოდში მომზადდა საგამოცდო მარშრუტები რეგიონების მიხედვით და ადგილობრივ მუნიციპალიტეტებთან ერთად დაიწყო მუშაობა შერჩეული მარშრუტების შესაბამისი ინფრასტრუქტურის მოსაწყობად;

საანგარიშო პერიოდში სააგენტომ განახორციელა აქტიური საინფორმაციო კამპანია მართვის მოწმობების ვადების, შეცვლის პროცედურების და საფასურების შესახებ. კამპანიის ფარგლებში გაიმართა რეგიონალური მედია ტურები, ასევე, ინფორმაციის გავრცელების მიზნით, მოეწყო

შეხვედრები ყველა რეგიონალური ტელეკომპანიის, საინფორმაციო სააგენტო/რადიოს ჟურნალისტებთან;

საანგარიშო პერიოდში შესყიდული და დამონტაჟებული იქნა სააგენტოს შენობებისთვის UPS-ები;

განხორციელდა IT უსაფრთხოების სისტემების მონტაჟი/გამართვა;

მართვის მოწმობის პრაქტიკული გამოცდის, როგორც მოედნის, ასევე, ქალაქის პირობებში ჩასატარებლად შესყიდულია 6 ერთეული მოტოციკლი, სატვირთო მიკროავტობუსი, სამგზავრო მიკროავტობუსი და ავტობუსი;

დაწყებულია შესაბამისი პროცედურები მართვის მოწმობის პრაქტიკული გამოცდის (მოედნის პირობებში) B კატეგორიისთვის საჭირო 37 ერთეული ავტომანქანის შესაძენად;

დაწყებულია შესაბამისი პროცედურები მართვის მოწმობის პრაქტიკული გამოცდის ქალაქის პირობებში ჩატარების მიზნით, სააგენტოს რუსთავის ფილიალის ტერიტორიის ინფრასტრუქტურის მოწყობისათვის;

საანგარიშო პერიოდში დაიწყო და გრძელდება საქართველოს შინაგან საქმეთა სამინისტროსთვის საჭირო საწვავის შეძენის და გადაცემის პროცედურები.

**1.4 პროგრამის დასახელება და პროგრამული კოდი:** საგანგებო და გადაუდებელი დახმარების ეფექტური სისტემის ფუნქციონირება - (30 06)

პროგრამის განმახორციელებელი: სსიპ - 112

ათას ლარებში

პროგრამის კოდი	დასახელება	წლიური დამტკიცებული მოცულობა	წლიური დაზუსტებული მოცულობა	საანგარიშო პერიოდის საკასო შესრულება	საკასო შესრულების % წლიური დაზუსტებულ გეგმასთან მიმართებაში	საკუთარი სახსრებიდან მიმართული თანხები (ასეთის არსებობის შემთხვევაში)
30 06	საგანგებო და გადაუდებელი დახმარების ეფექტური სისტემის ფუნქციონირება					5 669.4

საანგარიშო პერიოდში პროგრამის ფარგლებში განხორციელებული ღონისძიებების მოკლე აღწერა:

მიღებული იქნა საგანგებო სიტუაციების და გადაუდებელი აუცილებლობის შესახებ შეტყობინებები, რომელებიც დამუშავებულ იქნა შესაბამისი მომიჯნავე სამსახურების მიერ და გაწეულ იქნა კოორდინირებული მუშაობა სსიპ - 112-ის კომპეტენციის ფარგლებში;

ამოქმედდა 112-ის მობილური აპლიკაცია, რომელსაც უკვე ჰყავს 14 000-მდე მომხმარებელი;

სამუშაო პირობების გაუმჯობესებისა და ეფექტურობის გაზრდის მიზნით, ექსპლუატაციაში შევიდა ახალი ადმინისტრაციული შენობა;



ქოლ-ცენტრში სამუშაო პირობების გაუმჯობესების მიზნით ოპერატორებისთვის განახლდა მოძველებული ყურსასმენები, ასევე დაიწყო მოძველებული კომპიუტერული ტექნიკის განახლების პროცესი;

საანგარშიო პერიოდში სსიპ - 112-ის სასწავლო ცენტრის მიერ განხორციელდა 833 მსმენელის მომზადება/გადამზადება, მათ შორის: 645 - პატრულ ინსპექტორი, 30 - კრიმინალური პოლიციის თანამშრომელი, 85 - ქოლ-ცენტრის მოქმედი ოპერატორი, 45 - ქოლ-ცენტრის ოპერატორობის კანდიდატი, 12 - თბილისის სასწრაფო სამედიცინო ცენტრის თანამშრომელი, 16 - საპატრულო პოლიციის ერთიანი მომსახურების ცენტრის თანამშრომელი;

სსიპ - 112-სა და სსიპ „განათლების მართვის საინფორმაციო სისტემა“-ს (EMIS) შორის გაფორმდა მემორანდუმი. მემორანდუმის თანახმად, სკოლების მართვის საინფორმაციო სისტემის (eSchool) დახმარებით 112-ის ოპერატორს საშუალება ექნება ისეთი შემთხვევის დროს, როდესაც დაზარალებული ზავშია და არ იცის მისამართი, მაგრამ იცის სკოლის სახელწოდება, ოპერატიულად დაადგინოს მისი საცხოვრებელი მისამართი და მშობლების საკონტაქტო ინფორმაცია;

შედგა დონორთა საკოორდინაციო შეხვედრა, შეხვედრაზე წარდგენილი იქნა სსიპ - 112-ის განვითარების სტრატეგია და 2018-2022წწ. სამოქმედო გეგმა. განიხილეს მიმდინარე და დაგეგმილი პროექტები;

შემუშავდა მულტიფუნქციური რუკა;

შემუშავდა და დამტკიცდა საგანგებო და კრიზისული სიტუაციების სამოქმედო გეგმის დოკუმენტი. დოკუმენტი მოიცავს ინფორმაციას სსიპ 112-ის ბიზნეს პროცესის უწყვეტობის შენარჩუნების, საგანგებო და კრიზისულ სიტუაციებში ეფექტური რეაგირებისა და აღდგენის ღონისძიებების, აგრეთვე, ზემოაღნიშნული სიტუაციების პრევენციისთვის და მზაობისათვის განსახორციელებელი ღონისძიებების ჩამონათვალს ბიუჯეტირებით;

გაწეული იქნა ევაკუატორით მომსახურების სერვისი, როგორც საპატრულო პოლიციისთვის, ასევე, სხვადასხვა იურიდიული და ფიზიკური პირებისთვის;

- სახელმწიფო ბიუჯეტის პრიორიტეტი, რომლის ფარგლებშიც ხორციელდება პროგრამა: განათლება, მეცნიერება და პროფესიული მომზადება

**2.1 პროგრამის დასახელება და პროგრამული კოდი:** სამართალდამცავი სრუქტურებისათვის მაღალკვალიფიციური კადრების მომზადება, გადამზადება, საარქივო ფონდების დიგიტალიზაცია, სამეცნიერო - კვლევითი საქმიანობა და მოქალაქეთა მომსახურება - (30 03)

**პროგრამის განმახორციელებელი:** სსიპ - საქართველოს შინაგან საქმეთა სამინისტროს აკადემია

ათას ლარებში

პროგრამის კოდი	დასახელება	წლიური დამტკიცებული მოცულობა	წლიური დაზუსტებული მოცულობა	საანგარიშო პერიოდის საკასო შესრულება	საკასო შესრულების % წლიური დაზუსტებულ გეგმასთან მიმართებაში	საკუთარი სახსრებიდან მიმართული თანხები (ასეთის არსებობის შემთხვევაში)
30 03	სამართალდამცავი სრუქტურებისათვის მაღალკვალიფიციური კადრების მომზადება, გადამზადება, საარქივო ფონდების დიგიტალიზაცია	6 170	6 376	2 791.5	43.8%	465.8

საანგარიშო პერიოდში, პროგრამის ფარგლებში, განხორციელებული ღონისძიებების მოკლე აღწერა:

საანგარიშო პერიოდში მიმდინარეობდა სწავლებები როგორც საბაკალავრო, ასევე, სამაგისტრო პროგრამების „საპოლიციო რეგულირების სამართალი“-სა და „პოლიციის მაგისტრის“ ფარგლებში; განხორციელდა საარქივო მასალის დამუშავება და სკანირება, ფონდების დეტალური აღწერილობის მონაცემთა ბაზაში შეყვანა, საარქივო მასალების რესტავრაცია;

დისტანციური სწავლების დანერგვისა და გაუმჯობესების მიზნით, ქვეყნის მასშტაბით 6 დეპარტამენტის 10 სამმართველოში და 4 სასაზღვრო სამმართველოში მომზადდა სასწავლო გარემო. შესაბამის ცენტრებს გადაეცათ სწავლებისთვის საჭირო კომპიუტერული ტექნიკა და ინვენტარი;

საანგარიშო პერიოდში სხვადასხვა სახელმწიფო უწყებების თანამშრომლებმა გაიარეს შესაბამისი გადამზადება/მომზადების კურსები და პროგრამები:

- პატრულ-ინსპექტორთა (კანდიდატთა) მომზადების სპეციალური პროფესიული საგანმანათლებლო პროგრამა (3 ჯგუფი - 31 კაცი);
- საპატრულო პოლიციის დეპარტამენტის ტურისტული უსაფრთხოების ქვეით პატრულთა საბაზისო მომზადების სპეციალური საგანმანათლებლო პროგრამა (5 ჯგუფი-87 კაცი);
- სასაზღვრო პოლიციის სახმელეთო საზღვრის დაცვის დეპარტამენტის მესაზღვრეთა მომზადების სპეციალური პროფესიული საგანმანათლებლო პროგრამა (2 ჯგუფი - 29 კაცი);
- მესაზღვრე-კონტროლიორთა მომზადების სპეციალური პროფესიული საგანმანათლებლო პროგრამა (2 ჯგუფი - 38 კაცი);
- დეტექტივ-გამომძიებლის სპეციალური პროფესიული საგანმანათლებლო პროგრამა (1 ჯგუფი - 20 კაცი);
- სამინისტროს საპატრულო პოლიციის დეპარტამენტის მოსამსახურეთა გადამზადების პროგრამა (11 ჯგუფი-162 კაცი);
- არასრულწლოვანთა მართლმსაჯულების პროცესის განმახორციელებელი სპეციალიზირებული პოლიციელის მომზადების პროგრამა (8 ჯგუფი - 138 კაცი);
- პოლიციაში სამუშაოდ მისაღები და სამუშაოზე მიღებული წვევამდებლების სპეციალური მომზადებისა და პოლიციის უმცროსი ლეიტენანტის სპეციალური წოდების მისანიჭებელი სპეციალური მომზადების პროგრამა (5 ჯგუფი - 82 კაცი);
- საქართველოს შინაგან საქმეთა სამინისტროს სახელმწიფო საქვეუწყებო დაწესებულება საქართველოს სასაზღვრო პოლიციის სანაპირო დაცვის დეპარტამენტის ზღვაზე კანონალსრულების სპეციალური საგანმანათლებლო პროგრამა (4 ჯგუფი - 12 კაცი);
- ტრენინგი "საპოლიციო დანაყოფის მენეჯმენტი" (1 ჯგუფი - 13 კაცი);
- ტრენინგი "ობიექტების დაცვის დეპარტამენტის ინსტრუქტორთა მომზადების კურსი" (1 ჯგუფი - 20 კაცი);
- ტრენინგი თემაზე - "მამხილებელთა დაცვა" (1 ჯგუფი - 11 კაცი);
- ელექტრონული ლექცია თემაზე - "აკუსტიკური ხმაურის რეგულირება" (1 ჯგუფი-20 კაცი);
- ელექტრონული ლექცია თემაზე - "სექტორზე მოქმედების სტანდარტული პროცედურები" (1 ჯგუფი-15 კაცი);
- ტრენინგი აკუსტიკური ხმაურის დასაშვები ნორმების გადამეტებაზე და თამბაქოს კონტროლის რეგულაციის შესახებ (29 ჯგუფი - 576 კაცი);
- ცეცხლსასროლი იარაღისა და სპეციალური საშუალებების გამოყენების სპეციალური მომზადების კურსი (ნახევრად ელექტრონული სწავლების მეთოდით) (5 ჯგუფი - 78 კაცი);

- საინკასაციო სამსახურის თანამშრომელთა სპეციალური მომზადების კურსი (3 ჯგუფი - 12 კაცი);
- დაცული ტერიტორიების თანამშრომელთა გადამზადების პროგრამა (1 ჯგუფი - 19 კაცი);
- საქართველოს შინაგან საქმეთა სამინისტროს კრიმინალური პოლიციის ტერიტორიული ორგანოების მართლწესრიგის ოფიცრის გადამზადების კურსი 65/1 (2 ჯგუფი - 33 კაცი);
- საქართველოს შინაგან საქმეთა სამინისტროს კრიმინალური პოლიციის ტერიტორიული ორგანოების მართლწესრიგის ოფიცრის გადამზადების კურსი 65/2 (2 ჯგუფი - 33 კაცი);
- საცეცხლე მომზადების ინტრუქტორთა სასწავლო კურსი (1 ჯგუფი-1 კაცი);
- ეფექტური კომუნიკაცია, სერვის + და ადმინისტრაციულ სამართალდარღვევათა კოდექსის თემებთან დაკავშირებული ტრენინგი (მე-12 ოთახი) (2 ჯგუფი-28კაცი);
- ტრენერთა ტრენინგი 112-ის ინციდენტების სამართლებრივ შეფასებაში (1 ჯგუფი-6 კაცი);
- დროებითი მოთავსების იზოლატორების თანამშრომელთა მომზადება-გადამზადების სასწავლო კურსი (2 ჯგუფი-22 კაცი);
- დაცვის პოლიციის თანამშრომელთა ტრენინგი სერვის პლუსში (4 ჯგუფი-56 კაცი);
- ტრენინგი "მართვის მოწმობის მისაღები გამოცდის თეორიული მომზადების კურსი (1 ჯგუფი-13 კაცი);
- ტრენინგი თვითმმართველობის მოხელეებისთვის აკუსტიკური ხმაურის დასაშვები ნორმების შესახებ (1 ჯგუფი-19 კაცი);
- სსიპ დაცვის პოლიციის მოსამსახურეთა ცეცხლსასროლი იარაღისა და სპეციალური საშუალებების გამოყენების სპეციალური მომზადების კურსი (2 ჯგუფი-39 კაცი).

**3. სახელმწიფო ბიუჯეტის პრიორიტეტი, რომლის ფარგლებშიც ხორციელდება პროგრამა: ხელმისაწვდომი ხარისხიანი ჯანდაცვა და სოციალური უზრუნველყოფა**

**3.1 პროგრამის დასახელება და პროგრამული კოდი:** შინაგან საქმეთა სამინისტროს სისტემის მოსამსახურეთა ჯანმრთელობის დაცვის მომსახურებით უზრუნველყოფა - (30 04)

**პროგრამის განმახორციელებელი:** სსიპ - საქართველოს შსს ჯანმრთელობის დაცვის სამსახური

ათას ლარებში

პროგრამის კოდი	დასახელება	წლიური დამტკიცებული მოცულობა	წლიური დაზუსტებული მოცულობა	საანგარიშო პერიოდის საკასო შესრულება	საკასო შესრულების % წლიური დაზუსტებული გეგმასთან მიმართებაში	საკუთარი სახსრებიდან მიმართული თანხები (ასეთის არსებობის შემთხვევაში)
30 04	შინაგან საქმეთა სამინისტროს სისტემის მოსამსახურეთა ჯანმრთელობის დაცვის მომსახურებით უზრუნველყოფა	3 650	3 650	2 282.8	62.5%	26.29

საანგარიშო პერიოდში, პროგრამის ფარგლებში განხორციელებული ღონისძიებების მოკლე აღწერა:

საანგარიშო პერიოდში განხორციელდა სამსახურებრივი მოვალეობის შესრულების დროს დაჭრილი ან/და დაზიანებული მოსამსახურეების მკურნალობა და მათი ჯანმრთელობის რეაბილიტაციისთვის საჭირო ღონისძიებები, აგრეთვე სამინისტროს მოსამსახურეთა, თადარიგში დათხოვნილ პირთა, მათი ოჯახების წევრთა და სამინისტროს სასწავლო დაწესებულებების მსმენელთა სამედიცინო მომსახურება;

ავადობისა და შრომისუნარობის შემცირების მიზნით, განხორციელდა ბენეფიციართა (საქართველოს შინაგან საქმეთა სამინისტროსა და სახელმწიფო უსაფრთხოების სამსახურის თანამშრომელთა) დისპანსერიზაცია, სამკურნალოწამლო საშუალებებით უზრუნველყოფა, სტაციონალური მკურნალობა, ავადობის მიზეზების შესწავლა, დაჭრილთა სამედიცინო რეაბილიტაცია, პენსიონერთა და უნარშეზღუდულთა სამედიცინო შემოწმება;

საანგარიშო პერიოდში, დადგენილი წესით ჩატარებული იქნა სამხედრო-საექიმო კომისიები.